



# *Cumün da Scuol*

---

## **Dal cussagl cumünal**

---

In sias ultimas sezzüdas ha il cussagl cumünal trattà surtuot las seguain-tas fatschendas:

### **Proget Aua Forta**

Il cussagl cumünal ha deliberà ün credit da CHF 30'000.-- (i'l rom dal büdschet 2010) pel prossem pass dal proget Aua Forta. Cul proget Aua Forta vöglian il CA dal BES ed il cussagl cumünal cuntshaintamaing cumpletta la sporta da wellness pels prossems decennis. Per l'investi-zion principala da quist proget sun evidaintamaing necessaris terzs in-vesturs, cun quai cha quista finanziaziun surpassess las pussibilitats dal cumün. Per pudair concretisar il proget as stoja però far amo diversas lavuors preparatorias. Üna part da quellas lavuors, tanter oter üna calcu-laziun da cuosts davart dals prossems pass, es uossa necessaria. Il büro Wüest & Partner vain incumbenzà cun quista lavur.

### **Concept d'utilisaziun per l'areal da Trü**

Il cussagl cumünal ha deliberà ün credit da CHF 38'000.-- (i'l rom dal büdschet 2010) per lavuors d'analisa da different gener e da calculaziuns economicas. I's tratta surtuot dad analizar il concept d'utilisaziun ed il potenzial da l'areal da Trü e da far ponderaziuns co chi's laschess trar a nüz meglder sinergias tanter las differentas sportas da Trü, Quadras e BES. Üna part da la lavur vain fatta dal büro Wüest & Partner.

### **Concept d'abitadi regional**

Il cussagl cumünal ha trattà il questunari cha la Pro Engiadina Bassa ha tramiss per eruir ils bsögns da mincha cumün, quai in vista ad üna coor-dinaziun regionala dal svilup e da la planisaziun. Quist concept d'abitadi es necessari per eruir ils bsögns da l'intera regiun regard novas zonas per indigens, restricziuns per seguondas abitaziuns, terrain per adövers turistics e da mansteranza.

## **Büvetta Sfondraz**

Il contrat cul fittadin da la Büvetta Sfondraz es gnü adattà e prolungà per duos ons, dimena pellas stagiuns 2010 e 2011. Il cussagl cumünal es cuntaint cha quist stabilimaint in possess cumünal vain nüzzià in ün möd attractiv e quattras eir mantgnü.

## **Plan da quartier Prasad-cher I**

Il cussagl ha decis l'introducziun dal plan da quartier Prasad-cher I (parcelas 70 + 2146, las duos parcelas a l'ost da la Pensiun Grusaida).

## **Taxas d'attach**

Ün patrun da fabrica chi less müdar l'adöver d'ün stabilimaint existent ha survgni il permiss e la disposiziun da las taxas. El ha fat recuors cunter las taxas d'attach per aua, chanalizaziun e forza electrica. Il cussagl decida da refüsar il recuors, siond cha las taxas correspuondan a las ledschas e'ls reglamaints relevants.

## **Surdattas da lavuors**

Sanaziun dal Stradun sül traget Gallaria Milo – @center:

Impressari	Bezzola Denoth SA, Scuol
Sgüranza	La Mobiliar
Installaziuns sanitarias	Cumünanza da lavur Stecher/Mayer, Scuol

## **Dumondas da fabrica**

Il cussagl resp. la direcziun han dat ils seguaints permiss da fabrica:

- Arredo GmbH: chasa d'abitar sün parcella 549 in Rachögna
- Banca Raiffeisen: nouva porta d'entrada e restructuraziuns internas
- Justina + Tinet Schmidt-Crameri: chasa d'abitar sün parc. 2030 in Porta
- Paul Renn: annex pella bar "La Palma" sü Schlivera (BaB)
- Monica + Bruno Andri Neuhäusler: garascha sün parcella 2013 in Schinnas
- Madlaina + Martin Schloeth: ingrondimaint da la chasa d'abitar in Crastuoglia Sura

sco eir per progets plü pitschens sco lavuors da renovaziun, chamonnas d'üert, collecturs solars, sondas geotermicas eop.